

PARADA DI MUCHA A LUCI SU 40

ORANJESTAD(AAN):

Luhó casi completo por a mira ayera den e parada di carnaval di mucha na Oranjestad y cu excepcion di un man yen di grupo, tur a presenta cu un luhó extraordinario.

Kids in accion cu Barbie's World a habri e parada dignamente cu nan cantidad di roadpiecenan precioso y gruponan di mucha masha

bunita bisti cu nan disfraz.

Natalie Carlo tambe a presenta un bunita grupo di Harlekin cu a ser sigui pa e grupo di Centro di Barrio Noord, representando un cantidad di grupo cu a participa diasabra. E fantasia di paharanan cu nan cantidad di roadpiece, Indiannan Alegre, cu tabata un di e gruponan cu a sobresali como

grupo sin roadpiece, e Sandwichnan cu pa e publico tabata e grupo di comen-tario, tanto riba e grupo como riba e carosa di "Ham & Egg di ham cu webo".

Happy Ducks tabata masha aprecia, y tambe a ser gusta e grupo grandi di gitanonan.

E grupo cu a sobresali den e grupo di CBNoord tabata aladin cu tabata un preciosi-

dad di grupo, mientras cu Imelda kleuter school tambe a brilla ayera mescos cu Diasabra na noord.

Otro di e gruponan masha luhoso y colorido tabata Ban Goza cu a sobre sali na San nicolas, Noord y ayera na Playa.

E grupo comico cu a presenta den e parada tabata La Rochelita di Lourdes y varios di e integrantenan apercura pa hilarida den publico.

Masha leuk tabata e roadpiece cu e reinasita infantil di Dakota cu a sigui Rochelitanan, mientras cu e Tirakochinan di Savaneta un biaha mas a luci den parada.

Art Photo a presenta cu un dozijn di su figuranan, sigui pa e grupo di Paradera cu tabata tambe un belleza, esta Sneeuwitje y su enanonan.

E grupo cu atrobe a impacta tabata Fantasia di holoshi di Aileen's Fan Club. Roadpiecenan di Oloshi y dos carosa cu tabata entre esnan mas bunita di e parada.

Di Santa Cruz tabata tin e Buniteza y Fantasia bao di awa, cu un biaha mas a lom-

bra wowo di mirones pa su buniteza. E salida dilanti cu submarino Atlantis ta impacta mes ora pa despues sigui e roadpiecenan di bida bao di lama.

A pesar cu nan tabata tin mas o menos 10 roadpiece, e grupo di Rosario College di mas o menos 200 mucha tabata un preciosidad tambe cu "Nos ta futuro".

Mes opra despues a sigui e grupo colorido di Silvia Lourens, Jumping and Flying, sigui pa e grupito di Checkpiont "Glamour" Color, y finalmente a cera e parada e grupo di Biblioteca Nacional cu tambe tabata un grupo cu a impresiona hopi pa su buniteza.

Na final di e parada tabata tin Quasi, y pa e jump up di publico Eclipse cu a atrae centenares di hende un biaha mas tabata e banda "popular pa jump". E pregunta cu a keda na laira ayera anochi tabata: "Cual grupo lo conquista Grupo di Aña", y pa esey e jurado sigur tabata tin un dolor di cabeza pa eligi y cu awe sigur lo ta anuncia.